

Denn es ist / Göttliche Gewalt / vnd Gottes
eigen Gewalt / Was würde oder köndte Gott
behalten oder haben / wenn er die Ewige Ge
walt vnd Ewiges Reich von sich gebe ? Nis
chts vber all behielte er / vnd würde selbs zu
nicht / weil ein ander da ist / der die Ewige
Gewalt hat. Es kan ia vber vnd auffer der
Ewigen Gewalt / nichts sein. Ewig Gewalt /
begreiffes alles / vnd lefft nichts anders oder
grössers vber sich / oder auffer sich sein / Es
mus Gott selber sein / vnd nichts anders.

Wie gibt der text Daniel auch gewalt
tiglich den Artickel von der Gottheit / in drey
Personen / vnd von der Menschheit des Sons
Denn es mus eine andere Person sein / die da
gibt / vnd ein andere die es empfehet. Neme
lich / der Vater gibt die Ewige Gewalt dem
Sone / vnd der Son hat sie vom Vater / Vnd
das alles von ewigkeit her / Sonst were es
nicht eine Ewige Gewalt. So ist der Heilige
Geist da / ders durch Daniel redet / Denn
solch hoch heimlich ding / köndte niemand
wissen / wo es der Heilige Geist / nicht durch
die Propheten offenbart / wie droben offt ge
sagt / das die heilige Schrift durch den Wei
ligen Geist gesprochen ist. Daneben ist der
Son gleich wol auch ein Menschen Kind /
das ist / ein rechter Mensch vnd Davids
Son / dem solche Ewige Gewalt gegeben
G wird /